

ղովուրդների մօտ իրենց ցոյց է տալիս որպէս
երկրի տիրապետող իշխան և տէր: Այդ ինքնակոչ
բէկերը՝ երկրագործ խաղաղ ժողովուրդների ա-
րիւնն ու արդար քրտնքի արդիւնքներն են ծը-
ծում անյագ տգրուկի պէս՝ իրենց անխիղճ վաշ-
խառութեամբ, և ապրում են թշուառ գիւղացիներ
ի հաշուով: Այդ անզուսպ և դաժան բէկերի միակ
և սովորական զբաղմունքներն են՝ ոտքից գլուխ
զինուած, հեծած իրենց նժոյգ ձիու վրայ, տաս-
նեակ ձիաւոր ծառաներով գիւղէ գիւղ թափառել,
հին տոկոսները հաւաքել և կամ բարդել մայր
գումարի վրայ և ապա պարտամուրհակները փո-
խել և դրել իւր ուղածի պէս. այս ու այն գիւ-
ղացիներին ստիպել, որ իրենց համար վառեակը
տակը դրուած ընտիր փլաւ և այլ համադամ խոր-
տիկներ պատրաստեն և իրենց ձիերին առատ
գարի ու դարման տան: Այս ամենը ձրիաբար
տալուց զատ, թշուառ գիւղացիք բէկի ամեն մի
ոուրլուն տոկոս են վճարում ամսական 20—30 և
երբեմն 40 կոպ.։ Յայտնի բան է՝ կալուածատէր
բէկերի հողերի վրայ ցան անող գիւղացիք չար-
չարուում, տանջւում են իրենց մարդկանցով և ա-
նասուններով և ապա բէկին հասանելի հացահա-
տիկներն ու դարձանը և խոտը մաքրած, պատ-
րաստի տանում և լցնում են նրա ամբարը: Բէկե-
րի սիրած պարապմունքներից մինն էլ որսորդու-
թիւնն է, որ գեղեցիկ բաղէները թառած իրենց
մի թաթի վրայ, ընտիր երիվարի վրայ հեծած,
իրենց ծառաներով և որսորդական շներով սա-